

■ GLOSSA

Rauba da filz Fischer

DA SILVIO CAMENISCH

Bun di. Mes num è Fischer da la fabrica rauba da filz Fischer Chasa federala. Qua en nossa fabrica da rauba da filz pudais Vos guardar al lieu co che nus fabritgain nossa rauba da filz. Nus fabritgain entretschaments ed allianzas en top qualidad en tuttas grondezzas e vendain directamain davent da fabrica.

Qua en l'avantchombra Wandelhalle da fabricaziun Chasa federala vegn la launa d'umans morts sortida, spulvrada e lavada. En questas tignas da lain en aua chauda da 180 grads vegnan chavels dal corp da diversa e medema schlattaina da parlamentararis morts mess a lomìa. En questas avnauns vegnan pails da barbas u barbìs da collegas vivs empizzids e colorads. Qua vesais Vos pails da turps ubain vulvas da top qualidad già pachetads per la spediziun a la clientella.

Cun questas maschinass grondas fieutrain nus chapels da fieuter colorads per damas e signurs parlamentararis d'omaduas chombras. Cun Vossa prenotaziun telefonica pudais Vos admirar qua datiers co che nos lavurants fieutreschan



noss divers filters ord pails qua dador sortids, spulvrad e lavads. Qua en nossa exposiziun permanenta vesais Vos filters da particlas da diesel e filters grops d'ieili. Qua èn filters da particlas da fulin e là viertgels da protecziun dals filters. En quests recipients en restanzas da fieuters da filters, là en las diversas tschendras da producziun en top qualidad.

En questa avantchombra dals chantuns pudais Vos guardar fitg datiers las tecnicas da fieutrar e turnar a far da nos tramess dals chantuns. Qua èn nos fidads collavuratur dals chantuns signurs Engler e Schmid. Cun Vossa prenotaziun telefonica en gruppas As mussan ils dus las tecnicas da fieutrar products da fieuter per Voss

chantun. Qua vegnan producid tschops da fieuter sco Voss lobists dals chantuns Engler e Schmid portan enturn.

Sin questas maisas lungas vegnan ils fieuters rasads, cun questas maschinass vegnan els cusids cun piz da trapunt. Nus fabritgain duvets nordics e plimatschs en top qualidad sin mesira e tramettain direct davent da fabrica da rauba da letg Chasa federala. Noss tarpets da step han mesiras da standard 160 x 210 cm. Vos pudais avair els sin mesiras ordaifer la norma ord nos immens sortiment.

Qua en las vitrinas tras l'avantchombra federala avain nus cravattas da fieuter per tuttas mesiras da venters da parlamentararis. Là èn chapels, schals e guants da fieuter. Cun Vossa prenotaziun telefonica pudais Vos guardar nossa fabricaziun da tajas da fieuter per natels u notebooks da parlamentararis, qua èn fieuters per stgaurar ovs da parlamentararis. Nus ans legrain da Vossas visitas en nossa fabrica da filz Fischer Chasa federala.

Glindesdi serrà.